



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e - mail: info@voda.ba

Broj: **UP-1/21-3-40-115-6/23**
Datum: **04.10.2023. god**

"Agencija za vodno područje rijeke Save" Sarajevo, rješavajući po zahtjevu Javnog poduzeća "VODOVOD" d.o.o. Bihać za izdavanje vodne dozvole za privremeno ispuštanje otpadnih voda iz centra grada Bihaća u otvoreni vodotok rijeke Une i kanal Bedem, na osnovu člana 109. stav 1. tačka 2. i člana 139. stav 1. tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola Javnom poduzeću „VODOVOD“ d.o.o. Bihać za privremeno ispuštanje otpadnih voda iz dijela kanalizacionog sistema centra grada Bihaća u otvoreni vodotok rijeke Une i kanal Bedem (rukavac rijeke Une), a koji nisu obuhvaćeni izgradnjom nove kanalizacione mreže grada Bihaća te nisu spojeni na kolektor prema novoizgrađenom PPOV grada. Ova dozvola se odnosi na identificirane ispuste:
 - **a.** Ispust Kanal - kod hotela Park, u centru grada. Na kolektor su priključeni objekti u ulicama Branislava Đurđeva, Alije Đerzeleza, dijela ulica Vasif bega Bišćevića i 502. Viteške brdske brigade. Promjer kolektora je $\varnothing$ 800 mm, a na isti su priključena 352 korisnika, te ispušt kod mosta na kanalu Bedem – početak javnog parkirališta;
 - **b.** Ispust kod Univerzitetske biblioteke ispod drvenog mosta prema gradskoj Otoci, na kolektor priključeni poslovni objekti Trg Maršala Tita, promjer $\varnothing$ 250 mm, neutvrđen broj korisnika;
 - **c.** Ispust nizvodno od objekta Agram promjera $\varnothing$ 250 mm, neutvrđen broj korisnika;
 - **d.** Ispust iz kolektora kod bivšeg Higijenskog zavoda i radio Bihaća u Krupskoj ulici. Na kolektor su priključeni objekti Krupske ulice. Promjer kolektora je $\varnothing$ 250 mm, a na isti je priključeno 110 korisnika,
 - **e.** Ispust u ulici Bedem, na kanal hidrocentrale preko puta OŠ Harmani . Na kolektor su priključeni objekti ulica Bosanska, Bedem i Miroslava Krleže. Promjer kolektora je $\varnothing$ 500 mm, a na isti je priključeno 318 korisnika.
2. Ova vodna dozvola odnosi se isključivo na ispuste otpadnih voda definisane u tački 1. ovog Rješenja.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se objekti koji čine kanalizacioni sistem centra grada Bihaća održavaju u ispravnom i funkcionalnom stanju u skladu sa njihovom namjenom, Odlukom o odvodnji i prečišćavanju otpadnih voda i ovim Rješenjem.
 - 3.2. Da se permanentno radi na razdvajanju postojećeg mješovitog sistema odvodnje otpadnih voda, te da se prilikom izgradnje nove i rekonstrukcije postojeće kanalizacione mreže u centru grada Bihaća projektuje i izvodi isključivo separadni sistem odvodnje.

- 3.3. Da se redovno vrši snimanje i kontrola stanja postojeće kanalizacione mreže. Treba što hitnije poduzeti aktivnost da se isti priključe na postojeće glavne gradske kolektore spojene na PPOV grada Bihaća.
- 3.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata na kanalizacionu mrežu.
- 3.5. Da se redovno vrši čišćenje i održavanje korita rijeke Une na mjestima ispusta otpadnih voda iz glavnih kolektora.
- 3.6. Da se, prilikom izdavanja odobrenja za priključak na gradsku kanalizacionu mrežu od korisnika zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa Uredbom o uslovima ispuštanja otpadnih voda u prirodne recipijente i sisteme javne kanalizacije. Odobrenje operatera za priključak na kanalizacioni sistem treba da sadrži sve podatke i uslove propisane članom 29. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 06/08, 57/09, 72/09 i 68/12).
- 3.7. Da se tokom važenja ovog Rješenja vrši monitoring otpadnih voda na ispustima navedenim pod tačkom 1 dispozitiva rješenja. ili u zadnjem revizionom oknu neposredno prije ispusta definisanog kao privremeni ispust, u tački 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije..
- 3.8. Da se uradi katastar podzemnih instalacija glavnih kolektora u centru grada Bihaća, sa definisanim ispustima u ovom Rješenju u recipijent rijeku Unu.
- 3.9. Da se donese Opći akt o održavanju, korištenju i osmatranju vodnog objekta (za zaštitu voda od zagađivanja) i postupanju u slučaju kvara ili havarije na objektu, u skladu sa članom 20. stav (4) i (6) Zakona o vodama ("Službene novine Federacije BiH", broj 70/06).
4. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ispuštanje otpadnih voda u površinske vodotoke ne smije ugrožavati postojeći hemijski i ekološki status recipijenata.
6. Korisnik objekata je obavezan vršiti plaćanje posebne vodne naknade u skladu sa Zakonom o vodama («Službene novine Federacije BiH» broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada ("Službene novine Federacije BiH", broj 92/07, 46/09, 79/11 i 88/12).
7. Prava stečena po ovoj dozvoli ne mogu se prenositi na treća lica a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav 1. Zakona o vodama ("Službene novine Federacije BiH", broj 70/06) se daje sa rokom važenja od **(1) jedne godine**, od dana pravosnažnosti ovog rješenja.

9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.

O b r a z l o ž e n j e

Javno poduzeće «VODOVOD» d.o.o. Bihać, obratilo se ovoj Agenciji dana 22.03.2023. godine, sa zahtjevom za izdavanje vodne dozvole za ispuštanje otpadnih voda sa područja centra grada Bihaća u otvoreni vodotok rijeke Une i kanal Bedem.

U provedenom postupku dostavljena je i pregledana sljedeća dokumentacija:

- a) Ovjerena kopija Uvjerenja o poreznoj registraciji od 21.12.2005. godine, izdatog od strane Porezne uprave – Kantonalni ured UNSKO-SANSKI,
- b) Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-UPJR/1-8482-2/07 od 02.11.2007. godine, izdatog od strane Uprave za indirektno-neizravno oporezivanje Banjaluka,
- c) Aktuelni izvod iz sudskog registra matični broj upisa 1-5083-00 od 02.02.2023. godine izdanog od strane Općinskog suda u Bihaću, ovjerena kopija,
- d) Kopija Rješenja Ministarstva za građenje, prostorno uređenje i zaštitu okoliša o ispunjenju minimalnih uslova stručne i tehničke osposobljenosti za obavljanje komunalne djelatnosti izdano pod brojem 11/2-19-840-UP-1/22 od 16.01.2023. godine,
- e) Punomoć za o ovlaštenju za zastupanje JP Vodovod na ime Malkoč Amir,
- f) Kopija uplatnice upravne pristojbe,
- g) Odluka o odvodnji i prečišćavanju otpadnih voda na području općine Bihać, donijeta od strane Općinskog vijeća općine Bihać, broj: 02-02-4498/13 od 27.06.2013. godine, (prethodni spis), broj UP-I/25-3-40-694-4/14 od 30.01.2015. godine;
- h) Službena zabilješka predstavnika JP Vodovod Bihać i JU Zavod za prostorno uređenje Bihać od 29.09.2023. godine, o pregledu preljeva kanalizacionog sistema centra grada Bihaća.
- i) Kopija prethodno izdate VD broj: UP-I/25-3-40-694-4/14 od 30.01.2015. godine;

Nakon pregleda dostavljene dokumentacije, u skladu sa članom 21. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak ispusta iz glavnih kolektora

u rijeku Unu i kanal Bedem i tom prilikom sačinjen je zapisnik o uviđaju broj: UP-1/21-3-40-115-5/23 od 25.09.2023. godine.

Kanalizacioni sistem centra grada Bihaća je izgrađen većim dijelom prije rata prema tadašnjoj projektnoj dokumentaciji koja predviđa mješoviti tip odvodnje oborinskih i otpadnih voda kroz dva glavna kolektora A0 i B0.

Postojeće stanje kanalizacionog sistema centra grada Bihaća čini skup međusobno nepovezanih vodova dominantno mješovite kanalizacije osim Bosanske ulice, sa šest zbirnih ispusta u recipijent, rijeku Unu i kanal Bedem. Prostor odvodnje otpadnih voda obuhvata uže gradsko područje grada Bihaća, pri čemu je omogućena gravitaciona odvodnja svih korisnika sistema. Postoji dio separatno urađenog kanalizacionog sistema, gdje su oborinske vode zbrinute posebnim sistemom i također ispuštene u kanal Bedem, posredno u rijeku Unu.

Ne postoji katastar podzemnih instalacija tako da se ne može sa sigurnošću utvrditi pložaj, profil, cijevni materijal, godina izgradnje, i slično, što bi moglo biti polazna osnova za rekonstrukciju, održavanje i praćenje stanja sistema.

Ne vrši se monitoring otpadnih voda na mjestima ispuštanja. Podnosilac zahtjeva nema donesen Opći akt o održavanju, korištenju i osmatranju objekata kanalizacionog sistema, što bi predstavljalo osnov za kvalitetno upravljanje ovim nepotpunim sistemom. Mjesta ispusta u recipijent su uglavnom pristupačna.

Grad Bihać je pokrenuo aktivnosti na realizaciji dogradnje i spajanja kanalizacione mreže centra grada Bihaća na jedinstveni sistem prikupljanja, odvodnje i tretmana komunalnih otpadnih voda.

Na osnovu provedenog postupka konstatuje se da je podnosilac zahtjeva, Javno poduzeće "VODOVOD" d.o.o. Bihać, ispunilo minimum uslova za izdavanje vodne dozvole za privremeno ispuštanje komunalnih otpadnih voda u rijeku Unu, kako je to regulisano članom 115. do člana 118. Zakona o vodama («Službene novine Federacije BiH» broj 70/06) i članom 12. i 132. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), te je riješeno kao u dispozitivu ovog rješenja.

Podnosioc zahtjeva je, na ime izdavanja ovog vodnog akta, izvršio uplatu pristojbe iz tar. br. 43. Zakona o federalnim upravnim pristojbama («Službene novine Federacije BiH», broj 06/98 i 08/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi

akt obradio:

Fuad Mujagić, dipl.inž.

Po ovlaštenju
Rukovodilac Sektora za
izdavanje vodnih akata



Harris Alisehović, dipl. ing.grad.

Dostaviti:

- JP "VODOVOD" d.o.o. Bihać, Ivana Frane Jukića bb, 77 000-Bihać
- Grad Bihać – gradonačelnik, Bosanska 4, Bihać 77000 (na znanje)
- AVP, ISV – Vodna knjiga
- Sektor 50,
- ☉ Sektor 40, arhiva
- Oglasna ploča